

Այսօր, դաշտը, իմ իսկ աչքերով, նայում է հողու մէջ: Այնպէս եմ, ինչպէս հաւատացեալը խոստովանանքից յետոյ: Միացած եմ մի ինչ որ ուժի. մաս եմ եւ հաղորդակից:

Պէտք չունեմ, ինչպէս խօլական թռիչքների վայրկեաններին, հսկայի ոտքեր առնել եւ, արագ քայլերով, դաշտը կոխել եւ անցնել: Ու պէտք չունեմ, խոնարհութեան մեծ պահերի պէս, մըջիւնի նման փոքրանալ եւ, խոտերի միջից, նայել բոյսերի տատանուող ուկիւսին:

Լա՛ւ եմ, ինչպէս եմ:

Ինձ հետ եմ: Ես եմ:

* * *

Յիշում եմ, Ալպեան ճամբու վրայ՝ հոռոմէական լեզգոնների յաղթական արշաւանքը, ժամը հարիւր կերամետր, ինքնաշարժի անիւների տակ, անողոք կոխկրտեցի: Լուսինը — օ՛, Ջիրովաննա — սիրային վէպիս աչքերի մէջ սակի էր լեցնում: Ու Կեսարների դրօշակները ծածանում էին մութի դէմ:

Հոռոմայ դաշտում, կախարդող մեղամաղձութեան դէմ, սրեցի զգացումներին սուր դանակը եւ կախեցի կրծքիս՝ պատմութեան հանքերից պոկած, բոլոր յուռութուլունքները:

Մի օր էլ, Պօի դաշտում, զմբուխտէ լճերի շուրջ օրերինս պսակը ծաղիկներով զարդարեցի եւ լոյսերի մէջ քաղեցի զմբուխտ եւ սուտակ:

Այստեղ՝ աղամանդէ այս ծառի առջեւ՝ մատերս մերկ են եւ ճակատս խոնարհ: Պանդրխտի քայլերս հասցրել են ինձ՝ մինչեւ ինձ: Եկել եմ եւ էութեան շէմին առջեւ կանգ առել:

Ա՛յս եմ:

* * *

Երբ Երեւանից իջնում ես դէպի դաշտ, Ջանդուն, ջաղացների անիւների տակ դեռ շարունակում է խաղալ իր աղմկալից բոժոժների հետ:

Բաղերը, արթնացող օդի թրթռումի մէջ, իրենց զսպուած յոյզն են թախտախտ: Շարքով կանգնած բարտիները, կարծես, բարձրանում են իրենց արմատների մատերի վրայ՝ աւելի հեռու եւ աւելի բարձր տեանելու համար:

Արագիւնները, մտածկոտ նաւերի պէս, առաքատանման թեւերի վրայ, սահում են: Թռչունները երգում են: Կայծկւտում է ներկարարը: Գրեթէ անամպ երկինքը լուսաւորութեան մէջ սաւանայած է:

Այդպէս գնա՛լ, անվերջ գնալ:

Մօտաւոր դիւրից մի քանի սայլեր են եկել, ճոռալով անցնում են: Եղները, իրենց կարճ ոտքերի վրայ հսկայ մարմիններն են օրօրում, զառիվարի առջեւ վախցած կանգ առնում եւ երկար ճպտաների հարուածների տակ, դրեթէ չօքելով, իջնում:

Նորից բաղեր են: Հողից կերտուած պատերի ետեւ, անկանոն ակօսների մէջ, պառկել են որթեխները եւ ձմեռուայ ցրտի տակից նայում են բարախներին:

Մի քիչ էլ անցնեմ, այլեւս դաշտ է:

Գրեթէ կանանչութիւն չկայ: Դեղին, մարած ոսկի տարածութիւն, որի վրայ ծաղկել է լայնատարած մի լուռութիւն:

Այդպէս գնա՛լ, անվերջ գնալ:

Մենակեաց մարդը իր խոհերի եւ զգացումների հովիւն է: Ոսում ես քեզ հետ, ինչպէս պիտի խօսէիր ուրիշին. պարզօրէն՝ ցորեն հնձելու նման, լռիկ — ինչպէս մեծ ապրումների վայրկեանին:

Ու մեր մտահայեցութեան առջեւ դաշտը եւ լեռը ցցում են ուրոյն բնաւորութիւններով: Ո՛վ է իմանում, ինչպիսի խորախորհուրդ ձեւափոխութիւններից անցած է նրանց զոյացման կերպը:

Կան մարդիկ, որոնք անցնում են կեանքի վրայից, մըրկի պէս, ինչպէս անցաւ Թամերլան իր հրաշունչ ձիի վրայ: Կան նաեւ մարդիկ, որոնք վտարակալից ծովերի մէջ մնում են վառ մոմի պէս, ինչպէս Մաշթոցը իր քարայրի մէջ:

Այդպէս է լեռը եւ այդպէս է նաեւ դաշտը:

Հսկայ լեռների մէջ սեղմուած, հայկական այս բարձրաւանդակի վրայ, այլեւոր Արարատեան դաշտը բացել է իր սիրտը եւ մտածում է անվերջ մի միտք: Ո՞ր, տիեզերքի էութեան մէջ մխրճուած, մեծ մի մտածում, որը մասն է անըմբռնելի, խորհրդաւոր, ուրիշ մի կեանքի:

Տիեզերքը յայտնում է մեզ հազար ու մի կերպով: Եթէ մարդու դէմքը արտայայտիչ է, եթէ նրա աչքերը յոյզեր ցոլացնող լուսանցքներ են, լեռները ու դաշտերը, հովր եւ անապատը, երկրագնդի բոցավառ ապրումների ճշմարիտ եւ ուղղակի արտայայտիչներն են: Ու մի օր պիտի գայ, անշուշտ, երբ մարդ պի-